



Broj: 01/1-02-732/18  
Breza, 25.04.2018.godine

## Z A P I S N I K

**Sa ŠESNAESTE REDOVNE SJEDNICE Općinskog vijećaodržane dana 28.03.2018. godine sa početkom u 16,30sati u prostorijama Općine Breza-Sala Općinskog vijeća.**

Sjednicom je predsjedavao zamjenik predsjedavajućeg Općinskog vijeća Kadrić Memsud.

Po izvršenoj prozivci konstatovano je da sjednici Općinskog vijeća prisustvuje 18 vijećnika.

Opravdano odsutan predsjedavajući općinskog vijeća Jusić Vedad, a vijećnici Bajrić Fetah i Beširević Selma su najavili zakašnjenje.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Smajila Omerhodžić, Meliha Beširević, Salih Hasanspahić, Herco Huso, općinski pravobranilac Dženana Telalović, članovi Odbora za provedbu Etičkog kodeksa, predsjednici komisija općinskog vijeća, komandir policijske stanice Breza, predstavnik OSCE-a misije Daut Bajramović, predstavnici i članovi političkih stranaka, i predstavnici medija.

Zamjenik predsjedavajućeg Općinskog vijeća Kadrić Memsud upoznao je vijećnikade održan sastanak predsjednika klubova parlamentarnih stranaka, te dase Zapisnik nalazi materijalima, kao i mišljenja Komisije za Statut i propise.

Zatim se prešlo na razmatranje Zapisnika sa 15. redovne sjednice Općinskog vijeća Breza.

Primjedbu na zapisnik dao je vijećnik Avdić Edin koji je zatražio da se u zapisnik unesenjegova diskusija prilikom razmatranja Odluke o davanju prethodne saglasnosti na dodjelu koncesija za istraživanje i eksploataciju mineralnih resursa - uglja na području Općine Breza, obzirom da se radi o veoma važnoj odluci.

„Koncesija je pravo koje se prodaje, na temelju čega se ostvaruje zarada, koju treba kupiti. Tu zaradu ostvaruje RMU Breza i Elektroprivreda a općina Breza od toga nema ništa. Postoje određeni problemi i otvorena pitanja između Općine Breza i RMU Breza. Koja su to otvorena pitanja i koji je rok rješavanja tih pitanja.

- Jedno od tih pitanja je, da li RMU Breza može eksplorisati ugalj kao mineralni resurs a da nije rješeno otvoreno pitanje koliko je naplaćeno koncesija u 2017.godini. Pojašnjeno je da do sada nije bilo nikakvih naknada obzirom da nije potpisana koncessione ugovor.

- koliko ima poljoprivrednog a koliko gradskog građevinskog zemljišta.

Donošenjem Odluke o davanju prethodne saglasnosti za istraživanje i eksploataciju rudnika, otvorili smo put menadžmentu i upravi RMU Breza i Elektroprivredi, za dalju eksploataciju rudnika. Njih prvenstveno interesuje ekspolataciono zemljište koje je vlasništvo Općine Breza, a njih za sada ne interersuje koncessiona naknada. Općinsko vijeće mora zaštititi interes Općine Breza i njenih građana, na taj način što ćemo na zakonit način tražiti ono što nam pripada i to od 2003.godine. Potrebno je obezbijediti pravovremene, istinite i tačne informacije kako bi se donijelo odgovarajuće rješenje za koncesije. Svaki dan smo svjedoci nelegalne eksploatacije mineralnih bogastava naše države, gdje se interesi moćnika stavljuju nad interesima države. Davanje prethodne saglasnosti, daje se mogućnost lokalnim zajednicama

da učestvuju u postupku koji se nakon toga dalje nastavlja kako bi se obezbijedile ostale potrebne saglasnosti. Predlaže da se nakon završenog postupka kod viših nivoa vlasti vijećnicima dostavi konačan tekst Koncesionog ugovora o eksploataciji sirovina na području općine Breza. Također predlaže da se u Programu rada Općinskog vijeća za 2019.godinu planira tačna Informacija o efektima realizacije zaključenog Koncesionog ugovora.

Vijećnik Sirotanović Arif također je zatražio da se u Zapisnik unesu činjenice koje se odnose na gradnju centralnog šehidskog obilježja u Brezi. Ovaj projekat je u izgradnji već više od 7 godina te je započet sa izgradnjom bez prethodno rješenih imovinsko-pravnih odnosa i bez građevinske dozvole.

Primjedbi na Zapisnik više nije bilo te je isti sa datim primjedbama usvojen jednoglasno sa 18 glasova ZA.

Zatim se prešlo na odgovore na vijećnička pitanja.

Vijećnica Jekalović Amina zatražila je odgovor zašto nadležna služba nije na vrijeme dostavila podatke zaizradu Strategije kulturne politike na nivou ZDK za 2017.godinu, iako je zahtjev dobila blagovremeno. Na pitanje koje je postavila na 14.redovnoj sjednici od nadležne općinske službe dobila je odgovor u kojem nisu bile sadržane tačne i precizne informacije o postavljenom pitanju. Klub vijećnika SDP i DF postavlja pitanje odgovornosti zbog nedostavljanja i nedobivanja potrebnih informacija u predviđenom roku.

Vijećnik Salčinović Fikret pokrenuo je inicijativu koja se odnosi na rješavanje problematike parking prostora za potrebe JU Dom zdravlja Breza.

- Postavio je vijećničko pitanje da se izvidi mogućnost iznajmljivanja prostorija Doma kulture u Župči za minimalnu naknadu, da bi se zaustavilo dalje propadanje istog.

Vijećnik Sirotanović Arif postavio je pitanje koje se odnosi na postupak koji se vodio između općine Breza i firme „Bujice“ d.o.o Konjic, te ko je odgovoran za nastanak zastare u ovom postupku.

- Drugo pitanje glasi ko je vlasnik zemljišta pored pošte prema staroj pijaci, da se izvidi mogućnost da se ovaj prostor uredi obzirom da se radi o centru grada.

Pokrenuo je inicijativu da se riješi i zaustavi dalje propadanje Domova kulture po MZ te da se izvidi mogućnost da se isti daju na upravljanje i korištenje savjetima MZ ili podružnicama, te da se koriste za kulturne i sportske aktivnosti.

Vijećnica Jekalović Amina postavila je pitanje u kojoj fazi izgradnje je projekat „Jasike“ i kad se planira završiti?

Vijećnica Nejira Bulbulušić u ime stranke SBB postavila je pitanje koje se odnosi na sanaciju udarnih rupa na relaciji Mahala-Željeznička stanica, obzirom da se očekuje preusmjeravanje saobraćaja na ovu relaciju kad počnu radovi na rekonstrukciji mosta na rijeci Stavnji u ulici 6.april.

Pokrenula je vijećničku inicijativu da se , prije početka ljetne sezone, započne postupak davanja na korištenje kompleksa SRC ADE.

Vijećnik Zaimović Anes postavio je pitanje zašto još uvijek nije rješeno pitanje pasa latalica, obzirom da stanovnici naselja Bate imaju velike probleme zbog držanja pasa od strane Kozlić Eldara.

Vijećnik Kadrić Memsud postavio je pitanje koje se odnosi da li na birou rada ima nezaposlene djece šehida i poginulih boraca, te koliko još djece iz ove populacije nalazi se na redovnom školovanju.

- Postavio je i pitanje koje se odnosi na kredit za izgradnju filterskog postrojenja, koliko je isplaćeno i koliko još ostaje da se isplati.

Vijećnik Bašić Mirnes pokrenuo je inicijativu za nasipanje oko 200m puta na površinskom kopu Gornja Breza, obzirom da se radi o jedinoj komunikaciji za autobuse koji prevoze djecu u školu te jedinoj obilaznici za sve građane u zimskom periodu.

Vijećnik Asim Muratović u ime mještana naseljenog mjesta Župča postavio je pitanje koji je razlog da se za izdavanje recepata i uputnica u ambulanti Župča čeka i po nekoliko dana i može li se ovaj problem riješiti kako bi se pacijentima olakšalo liječenje.

Vijećnik Mirza Ahmedspahić u ime mještana naseljenog mjesta Kamenice pokreće inicijativu za saniranje dijela puta, tačnije krivine u naselju prema „Prikodolici“. Krivina je crna tačka i na tom dijelu u posljednje vrijeme dešavaju se saobraćajne nezgode.

Postavio je i pitanja

- a) Koliko novčanih sredstava je uloženo u prošloj godini za održavanje i zaštitu javnih cesta na području općine Breza.
- b) Koje javne ceste su sanirane u 2017. godini na području općine Breza.

Nakon toga pristupilo se utvrđivanju dnevnog reda.

Na prijedlog Komisije za Statut i propise, zamjenik predsjedavajućeg Općinskog vijeća predlaže da se tačka pod rednim brojem 9 skine sa dnevnog reda obzirom da po mišljenju Komisije za Statut i propise nisu se stekli uslovi za davanje saglasnosti od strane Općinskog vijeća.

Nakon toga jednoglasno sa 18 glasova ZA ,usvojen je sljedeći

## D N E V N I   R E D

1. Usmena informacija Općinskog načelnika o aktivnostima između dvije sjednice
2. Razmatranje i usvajanje prijedloga Odluke o dodjeli javnog priznanja općine Breza „Građevinski grad“
3. Razmatranje i usvajanje prijedloga Odluke o dodjeli javnog priznanja općine Breza „Plaketa Breze“
4. Razmatranje i usvajanje prijedloga Odluke o dodjeli javnog priznanja općine Breza „Nagrada Breze“
5. Razmatranje i usvajanje prijedloga Odluke o pristupanju implementaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2018.godini
6. Razmatranje i usvajanje prijedloga zaključka o uspostavljanju novog zk uloška za parcelu označenu kao k.c.br. 654/11 k.o. Smrekovica (s.p.) u korist Softić Faruka, sin Ismaila iz Breze
7. Razmatranje i davanje saglasnosti na Program utroška sredstava sa kriterijima raspodjele sredstava „Podsticaj poljoprivrednoj proizvodnji“ utvrđenih Budžetom općine Breza za 2018.godinu konto 614414
8. Razmatranje i davanje saglasnosti na godišnji Plan i program održavanja i zaštite javnih cesta na području općine Breza period 15.03.2018.-15.11.2018. godine
9. Razmatranje i usvajanje Izvještaja o radu općinskog pravobranilaštva Breza za period 01.01.2017. – 31.12.2017.
10. Razmatranje i usvajanje Informacija o stanju općeg kriminaliteta javnog reda i mira za 2017.godinu
11. Razmatranje i usvajanje Izvještaja o radu stalnih radnih tijela – komisija u 2017.godini
  - a) Komisija za statut i propise

- b) Drugostepena upravna komisija
- c) Komisija za procjenjivanje tržišne vrijednosti poreza na imovinu
- d) Općinska izborna komisija
- e) Komisija za mlade i ravnopravnost spolova

#### **Ad.1**

Usmena informacija o radu Općinskog načelnika u periodu između dvije sjednice.

Pored redovnih aktivnosti nepohodnih za normalno funkcionisanje jedinstvenog općinskog organa , vođene su aktivnost na nastavku realizacije započetih projekata:

U završnoj fazi je izrada Strategije razvoja Općine Breza za period do 2029. godine i izrada programa kapitalnih investicija

Radi se na projektima izgradnje : tržnice, Jasike, igrališta za djecu, vodovodu Bukovik, klizištu Opreč, izradi projektne dokumentacije za izgradnjutržnog centra „Robot“, aktueliziran je i projekat „Aura komerc“ na platou stare pijace koji će biti nastavljen. U planu je izgradnja poslovne zgrade u naselju Šaš, biće započeta i rekonstrukcija „Trga Rudara“ , radiće se na kolektoru na lokaciji Hrasna i Slivna, radiće se vodozaštiti zone vodovoda Mahmutović Rijeka, očekuje rješenje imovinsko-pravnih odnosa za izgradnju centralnog šehidskog obilježja, na filterskom postrojenju biće zamjenjeni elektro ventili, očekuje se saglasnosti za Prostorni plan općine Breza do 2029. godine, raspisan je tender za završetak projekta Liješće. U završnoj fazi je priprema izvještaja izvršavanja Budžeta za 2017.god. kao i Izvještaj o radu općinskog načelnika i službi, a nastavlja se postupak za dobivanje koncesija.

Vijećnik Kadrić Memsud postavio je načelniku pitanje, da li je rješeno pitanje odlaganja otpada.

Općinski načelnik pojasnio je da općina Breza nastoji riješiti problem putem regionalne deponije te stvoriti preduslove za stavaranje reciklažnog dvorišta kako bi se otpad mogao koristiti kao resurs. Trenitno se vode aktivnosti na iznalaženju lokacije za reciklažno dvorište.

Radu općinskog vijeća pridružuje se vijećnica Beširević Selma u 17:15h.

#### **Ad.2**

Razmatranje i usvajanje prijedloga Odluke o dodjeli javnog priznanja općine Breza „Grb Breze“.

Zamjenik predsjedavajućeg Općinskog vijeća upoznao je vijećnike da je Komisija za odlikovanja i općinska priznanja, Općinskom vijeću predložila da se „Grb Breze“ dodijeli našem sugrađaninu Šabić Mustafi, koji je donirao sredstva za ojačanje mosta na rijeci Stavnji u ulici 6.april.

Učesnika u raspravi nije bilo, te je nakon glasanja konstatovano da je Odluke o dodjeli javnog priznanja općine Breza „Grb Breze“ usvojena sa 17 glasova ZA i 2 suzdržana glasa.

#### **Ad.3**

Razmatranje i usvajanje prijedloga Odluke o dodjeli javnog priznanja općine Breza „Plaketa Breze“.

Zamjenik predsjedavajućeg Općinskog vijeća upoznao je vijećnike da je Komisija za odlikovanja i općinska priznanja, Općinskom vijeću predložila da se „Plaketa Breze“ dodijeli Zahirović Kenanu, obzirom da je postao najmlađi doktor nauka iz oblasti šumarstva na području ZDK. Upoznaje vijećnike da je u pismenoj formi od vijećnika Suljagić Mirzeta stigao amandman da se „Plaketa Breze“ dodijeli i „Perutnini Ptuj“ - BH d.o.o. Breza.

Vijećnik Suljagić Mirzet obrazložio je svoj prijedlog da se plaketa dodijeli PP „Perutnina Ptuj“ obzirom da se radi o kompaniji koja zapošljava veliki broj radnika, te ima učešće u mnogim humanitarnim akcijama, a također podržava i prijedlog komisije. Predlaže da se u

budućnostiuvede praksa obilaska uspješnih kompanija sa područja općine Breza, kako bi se upoznali sa radom i razvojem istih, te kako bi Općinsko vijeće bilo upućeno u privredni razvoj općine.

Vijećnik Sirotanović Arif predlaže da predsjednik Komisije za odlikovanja i općinska priznanja vijećnike upozna o Pravilniku i kriterijima za dodjelu istih, kao i obrazloženje za predložene kandidate, te o broju nominacija za dodjelu općinskih priznanja.

Vijećnik Avdić Edin istakao je da nagradu treba zaslužiti a ne dobiti. Istačе da u prvi plan treba staviti obrazovne institucije te predlaže da se „Plaketa Breze“ dodijeli i gimnaziji „Muhsin Rizvić“ Breza, obzirom da je ista proglašena najboljom srednjom školom u BiH za 2017.godinu.

Vijećnica Jekalović Amina i Škrgić Belma predlažu da predsjednik Komisije za odlikovanja i općinska priznanja vijećnike kratko upozna o toku izbornog procesa i da kriterije za dodjelu poriznanja kao i obroju nominacija.

Predsjednik komisije za odlikovanja i općinska priznanja Hasanspahić Ibrahim uopoznaje vijećnike da su za dodjelu ovogodišnjih općinskih priznanja pristigle 22 nominacije te da je Komisija vodila računa da se nagrade daju za rezultate iz svih sfera života.

Radu vijeća se pridružuje vijećnik Bajrić Fetah u 17:35h.

Safet Zahirović upoznao je vijećnike o Odluci o javnim priznanjima općine Breza o kriterijima, postupuk i načinu dodjeljivanja javnih priznanja.

Vijećnik Salčinović Fikret sugeriše da se Komisiji za odlikovanja i općinska priznanja obezbijedi spisak ranije dodjeljenih općinskih priznanja.

Na prijedlog vijećnika uslijedila je pauza za usaglašavanja stavova u vremenu od 17:45- 18:00h.

Nakon pauze zamjenik predsjedavajućeg Općinskog vijeća dao je na glasanja prijedlog da se „Plaketa Breze“ dodijeli Zahirović Kenanu.

Nakon glasanja konstatovano je da je prijedlog usvojen sa 16 glasova ZA i 4 suzdržana glasa.

Zatim se glasalo za prijedlog da se „Plaketa Breze“ dodijeli PP „Perutnini Ptuj“, te je nakon glasanja konstatovano da je prijedlog usvojen jednoglasno sa 20 glasova ZA.

Zatim se glasao za prijedlog da se „Plaketa Breze“ dodijeli gimnaziji „Muhsin Rizvić“ Breza, te je nakon glasanja konastavljeno da je prijedlog usvojen sa 19 glasova ZA i sa jednim sudržanim glasom.

#### **Ad.4**

Razmatranje i usvajanje prijedloga Odluke o dodjeli javnog priznanja općine Breza „Nagrada Breze“.

Vijećnik Sirotanović Arif ponovo je zatražio da se vijećnici upoznaju sa nominacijama za dodjelu priznanja „Nagrada“ Breza i obrazloženje za svakog kandidata.

Predsjednik komisije za Odlikovanja i općinska priznanja pojasnio je da se obrazloženja za predložene kandidate nalaze u prijedlogu odluke, tako da nema potrebe ponovo čitati biografije kandidata.

Vijećnica Jekalović Amina predložila je da se za svaki prijedlog za dodjelu „Nagrade Breze“ glasa pojedinačno.

Sekretar Općinskog vijećapojasnio je da u tom slučaju Općinsko vijeće treba donijeti zaključak o pojedinačnom glasanju.

Na glasane je dat prijedlog da se za dodjelu „Nagrade Breze“ glasa pojedinačno za svaki prijedlog, te je nakon glasanja konstatovano je da prijedlog nije dobio potrebnu većinu (9 vijećnika je glasalo ZA prijedlog)

Zamjenik predsjedavajućeg Općinskog vijeća dao je na glasanje prijedlog Odluke o dodjeli javnog priznanja općine Breza „Nagrada Breze“:

1. KANTONALNI POREZNI URED ZENICA- Porezna ispostava Breza-šef GAVRANOVIĆ (Rifata) TAHIRU
2. AHMEDSPAHIĆ (Birsena) KERIMU
3. HODŽIĆ (Hamze) FAHRUDINU
4. KUD „BREZA“ Breza
5. RUDARIMA RUDNIKA MRKOG UGLJA „Breza“ d.o.o. Breza

Nakon provedenog postupka glasanja konstatovano da je predložena Odluka usvojena sa 15 glasova ZA, uz 4 glasa suzdržana.

#### **Ad.5**

Razmatranje i usvajanje prijedloga Odluke o pristupanju implementaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2018.godini.

Pomoćnik Općinskog načelnika Salih Hasanspahić dao je obrazloženje za donošenje ove Odluke, kao i razloge za donošenje:

Projekat „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2018. godini, započinje potpisom Sporazuma o saradnji, kojim su definisane obaveze i odgovornosti strana potpisnica Sporazuma, Općina Breza, MUSLIM AID-a SARAJEVO i prava i obaveze strana potpisnika i krajnjih korisnika Projekta regulisati će se posebnim ugovorima o finansiranju (tripartitnim ugovorom – Općina Breza, MUSLIM AID SARAJEVO i krajnji korisnik). Svaki odabrani korisnik će platiti učešće od 20 % (487,00 KM) na račun MUSLIM AID SARAJEVO nakon čega će se isporučiti plastenik. Da bi se Projekat uspješno realizovao, 20 aplikanata moraju ispuniti uslove javnog poziva koji će biti objavljen nakon usvajanja predmetne Odluke, u suprotnom projekat se poništava.

Općina Breza i MUSLIM AID SARAJEVO će vršiti monitoring procesa implementacije zajedničkog projekta. Nakon implementacije Projekta, Općinsko vijeće će biti informisano o realizaciji.

Vijećnik Avdić Edin zatražio je dodatna pojašnjenja o konstrukciji i učešča u finansiraju ugovorenih strana.

Pojašnjeno je da se obavezuje Općinski načelnik da putem nadležne službe implementira Projekat u skladu sa Sporazumom o saradnji, zaključenim između Humanitarne organizacije „MUSLIM AID SARAJEVO“ i Općine Breza, broj: 64/18 od 06.03.2018.godine.

Nakon datih pojašnjenja Odluke o pristupanju implementaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2018.godini usvojena je sa 16 glasova ZA i 4 suzdržana glasa.

#### **Ad.6**

Razmatranje i usvajanje prijedloga Zaključka o uspostavljanju novog zk uloška za parcelu označenu kao k.č.br. 654/11 k.o. Smrekovica (s.p.) u korist Softić Faruka, sin Ismaila iz Breze.

Općinski pravobranilac Dženana Telalović, dala je pravni osnov za donošenje ove Odluke, te je naglasila da Vijeće u okviru svoje nadležnosti donosi odluke o upravljanju i raspolaganju imovinom Općine u skladu sa zakonom.

Razlozi za donošenje odluke su, što Općinski sud u Visokom, provodi postupak sistematskog usklađivanja zemljišne knjige sa novim premjerom, koji se provodi za katastarske općine Breza, Kamenice, Gornja Breza, Podgora, Sutješčuca, Mahala i Župča, u sklopu državnog Projekta registracije nekretnina.

U tom postupku nalazi se i predmetna parcela, označena kao k.č. br. 654/11 k.o. Smrekovica (s.p.), gdje je u Zemljišnoknjižnom uložku broj: 1036, u B vlasničkom listu uknjiženo pravo korištenja na nekretnini u korist Skupštine opštine Breza.

Predmetna parcela po novom premjeru odgovara parceli k.č. br. 214 k.o. Breza, sa upisanim posjednikom Softić (Ismail) Faruk sa dijelom 1/1.

Uvidom uistorijat parcele, urađenim od strane Službe za prostorno uređenje, zaštitu okolice, geodetske i imovinsko-pravne poslove Općine Breza, utvrđeno je da parcela novog premjera k.č. br. 214 k.o. Breza, se u katastarskom operatu od uspostave novog premjera 1984. godine do 2016. godine vodila na posjedniku Softić (Muhamed) Razija ud. Smaila.

Na osnovu zahtjeva za diobu parcela od 09.06.2016. godine, parcela se upisuje na posjednika Softić (Ismail) Faruk, koja se sve do danas vodi na njemu u katastarskom operatu.

Obzirom da su Softić Razija, odnosno njen sin Softić Faruk, bez ikakvih pravnih ometanja, više od 50 godina korisnici predmetnog stana i zemljišta koje služi za redovnu upotrebu stana i da se predmetni stan nije vodio u službenoj evidenciji stanova u društvenoj svojini, a samim tim nisu ni bili obveznici plaćanja stana i da se Softić Faruk u katastarskom operatu vodi kao posjednik parcele sa dijelom 1/1 i da ispunjava uslov za zamjenu zemljišnoknjižnog uloška i da bi u sudskom postupku na osnovi pravnog instituta „dosjelosti“ stekaopravo vlasništva, a Općinu Breza izložio određenim troškovima sudskog postupka, predlaže se Općinskom vijeću Breza donošenje ovog Zaključka.

Vijećnik Sokić Dževahid postavio je pitanje u kojoj fazi je postupak u Općinskom pravobranilaštvu, te je pojašnjeno da se predmet trenutno nalazi u fazi mirovanja do donošenja odluke suda.

Učesnika u raspravi više nije bilo te je nakon glasanja konstatovano da je isti usvojen jednoglasno sa 20 glasova ZA.

#### **Ad.7**

Razmatranje i davanje saglasnosti na Program utroška sredstava sa kriterijima raspodjele sredstava „Podsticaj poljoprivrednoj proizvodnji“ utvrđenih Budžetom općine Breza za 2018.godinu konto 614414.

Vijećnik Bajrić Fetah istakao je da je poljoprivredni podsticaj proteklih godina bio planiran u većem iznosu i da je za 2018. godinu znatno smanjen i nedovoljan za razvoj i podržavanje proizvodnje, pogotovo što je 20 hiljada predviđenog podsticaja većplanirano za projekat „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2018.godini, tako da realno za poljoprivredne proizvođače ostaje dio sredstava koji je nedovoljan za bilo kakav razvoj poljoprivrede.

Općinski načelnik pojasnio je da je općina u proteklom periodu zatekla dug za isplatu poljoprivrednog podsticajate je u proteklom periodu isplaćeno 230 hiljada sredstava za poljoprivredni podsticaj. Smatra da će u narednom periodu doći do Rebalansa budžeta za 2018. godinu obzirom da se očekuje usvajanje Prostornog plana Općine Breza za period do 2029. godine kojim se očekuje pokretanje aktivnosti koje će uticati na povećanje budžetskih sredstava, a samim tim i sredstava koje se mogu usmjeriti za poljoprivredni podsticaj.

Učesnika u raspraviviše nije bilo te je nakog glasanja sa 14 glasova ZA i 6 suzdržanih glasova usvojen sljedeći.

## Z A K L J U Č A K

I

**DAJE SE SAGLASNOST** na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih Budžetom Općine Breza za 2018.godinu, koji je sastavni dio ovog zaključka.

II

Isplatu novčanih sredstava izvršiti iz Budžeta Općine Breza za 2018.godinu.

III

Za realizaciju zaključka zadužuje se Služba za privredu i Služba za finansije, inspekcijske poslove i opću upravu.

### Ad.8

Razmatranje i davanje saglasnosti na godišnji Plan i program održavanja i zaštite javnih cesta na području općine Breza za period 15.03.2018.-15.11.2018. godine

Vijećnica Jekalović Amina postavila je pitanje, da li JKP ima kapacitet za obavljanje poslova predviđenih programom.

Pomoćnik načelnika Salih Hasanspahić pojasnio je da je Općinsko vijeće na jednoj od sjednica u 2016.god. usvojilo Odluku o povjeravanju komunalne usluge redovnog održavanja javnih cesta na području općine Breza u ljetnom periodu JKP Breza u skladu sa godišnjim Planom i programom održavanja i zaštite javnih cesta na području općine Breza. U skladu sa zakonom o komunalnim djelatnostima data je mogućnost komunalnom preduzeću da obavlja poslove iz Programa za koji ima uslove, aposlove za koje nije opremljen, daje se mogućnost da sklapa ugovore sa drugim firmama koji ispunjavaju uslove.

Vijećnik Kadrić Memsdud postavio je pitanje da li je ovim Programom obuhvaćeno i popravka i postavljanje saobraćajnih znakova, obzirom da je dosta postavljenih znakona izgubilo smisao postojanja zbog nastalih promjena. Pojašnjeno je da se ovaj Program bazira samo na održavanje i zaštitu javnih cesta na području općine Breza period 15.03.2018.-15.11.2018. godine. Da bi došlo do postavljanja saobraćajne signalizacije mora se izraditi Saobraćajni projekat kojim će se definisati mjesto postavljanja saobraćajne i vertikalne signalizacije kako je to propisao zakon.

Učesnika u raspravi više nije bilo te je nakon glasanja konstatovano da jedata saglasnost na Godišnji Plan i program održavanja i zaštite javnih cesta na području općine Breza za period 15.03.2018.-15.11.2018. godine usvojen sa 13 ZA i 5 suzdržanih glasova.

### Ad.9

Razmatranje i usvajanje Izvještaja o radu općinskog pravobranilaštva Breza za period 01.01.2017. – 31.12.2017.

Vijećnik Arif Sirotanović postavio je pitanje zašto je u predmetu tužitelja općina Breza prema tuženom Bujice d.o.o. Konjic kod izvršenja ugovoranaknade štete v.s. 580.000,00KM došlo do zastare potraživanja i naknade štete. Poznato je da je kod realizacije projekta izgradnje filterskog postrojenja došlo do promjene lokacije za izgradnju i da su uložena velika finansijska sredstva i pored toga građani Breze piju mutnu vodu.

Vijećnik Avdić Edin naglasio je da u proteklom periodu insistirao na preventivnom djelovanju općinskog pravobranioca koje su jedna od značajnih aktivnosti, te smatra da općinski pravobranilac treba da je u zaštiti državne imovine, kao i kod narušavanja radno pravnih odnosa, nelegalnog imenovanja upravnih odbora. Također je zatražio pojašnjenje koje službe nisu dostavile podatke kod pokretanja postupka upisa stvarnih prava na nekretninama čiji je nosilac općina kao i upis javnih i općih dobara, da li je slična urgencija za dostavu traženih podataka te da li je o istom upoznat Općinski načelnik.

Kada su u pitanju pokrenute parnice da li su prikazane parnice do 31.12.2017. godine ili je izvještaj rađen sa današnjim danom, i ukoliko su neke riješene da se kaže kako su riješene. Kada je riječ o tužbi protiv EP BIH, a koja se odnosi na koncesije riječ je o tužbi za 2014. i 2015. godinu, zašto tužbom nisu obuhvaćene godine nakon donošenje Zakona o koncesijama ZDK 2003., obzirom da polažemo zakonsko pravo na naplatu koncesija i EP, Vlada federacije i Vlada ZDK svjesno krše Zakon o koncesijama.

Vijećnik Kadrić Memsud postavio je pitanja koja se odnose na tužbu Općine prema „TB Inžinjeringu“ i tužbi „TB Inžinjeringa“ protiv općine Breza. Zatim kolika su ukupna sredstva po pokrenutim tužbama općine prema drugim subjektima i koji drugi subjekti tuže općinu Brezu. Takođe je konstatovao da dug EP po pitanju koncesija nije realan te da se traže druga rješnja.

Vijeću se obratila i općinski pravobranilac Dženana Telalović koja je odgovorila na postavljena pitranja.

Kada je u pitanju postupak upisa stvarnih prava na nekretninama čiji je nosilac općina Breza, kao i upis javnih i općih dobara, koji je nastao je stupanjem na snagu Zakona o stvarnim pravima dolazi do određenih problema u primjeni zakonskih odredaba obzirom da katastarsko i gruntovno stanje nije usaglašeno i da po gruntovnom upisu u velikom dijelu vodi se RMU Breza. Napomenula je da imaju dobru saradnju sa RMU Breza i da ove probleme svaki dan prevazilaze. Veliki problem prestavlja i hipoteka podignuta od strane Poreske uprave prema RMU Breza zbog naplate potraživanja. Zakazan je sastanak između poreske uprave, suda, RMU Breza i općine Breza kako bi se našlo odgovarajuće rješenje o prevazilaženju nastale situacije o čemu će Općinsko vijeće biti obavješteno. Pojasnila je da izvještajni period obuhvata period do datuma izrade Izvještaja. Odnosno prikazuje trenutno stanje sa datumom izrade izvještaja.

Kada se govori o tužbi općine Brezaproтив firme Bujice d.o.o Konjic, tužba se odnosi na naplatu izgubljene dobiti za neisporučenu vodu zbog toga što firma nije izvršila zamjenu elektro ventila i samim tim voda se nije mogla isporučiti krajnjim korisnicima. Radi se o prvostepenoj presudi i treba sačekati odluku suda po žalbi.

Pokrenute su dvije tužbe za naplatu koncesija za period 2008. do 2013. godine i period od 2014. i 2015. godine. Visina tužbenog zahtjeva donesena je na osnovuu Odluke o minimalnim visinama koncesionih naknada. Postupak kod nadležnog suda se nastavlja sa izvođenjem ostalih potrebnih dokaza za donošenje presude.

(Radu vijeća se priključio vijećnik Bajrić Fetah u 19.30h)

Učesnika u raspraviviše bije bilo i na glasanje dat Izvještaj o radu općinskog pravobranilaštva Breza za period 01.01.2017. – 31.12.2017.

Nakon provedenog postupka glasanja konstatovano da isti nije usvojen 7 vijećnika je glasalo ZA, 11 vijećnika je bilo suzdržano.

## Ad 10.

Razmatranje i usvajanje Informacija o stanju općeg kriminaliteta javnog reda i mira za 2017.godinu.

Komandir PS Breza Mensur Halilović detaljno je vijećnike upoznao sa stanjem kriminaliteta i, javnog reda i mira na području općine Breza.

U raspravi po tački dnevnog reda učestvovali su vijećnici Bajrić Fetah, Avdić Edin, Salčinović Fikret, Kadrić Memsud i Sirotanović Arif.

Nakon toga Informacija o stanju općeg kriminaliteta javnog reda i mira za 2017.godinu, data je na glasanje , te je nakon glasanja konstatovano da je ista usvojena jednoglasno sa 19 glasova ZA.

#### **Ad 11.**

Razmatranje i usvajanje Izvještaja o radu stalnih radnih tijela – komisija u 2017.godini

- f) Komisija za statut i propise
- g) Drugostepena upravna komisija
- h) Komisija za procjenjivanje tržišne vrijednosti poreza na imovinu
- i) Općinska izborna komisija
- j) Komisija za mlade i ravnopravnost spolova

Vijećnik Avdić Edin postavio je pitanje predsjednici Komisije za Statut i propise o primjeni Prečišćenog teksta Odluke o kriterijima za imenovanje u upravni odbor Doma zdravlja Breza.

Nakon toga bez učesnika u raspravi usvojeni su izvještaji o radu stalnih radnih tijela - komisija u 2017. godini, jednoglasno sa 18 glasova ZA.

Ovim je iscrpljen dnevni redšesnaesteredovne sjednice Općinskog vijeća Breza, koja je sa radom završila u 20.40 sati.

*Sastavni dio ovog zapisnika čini i tonski zapis sjednice.*

ZAPISNIK SAČINILA

Zakira Smailbegović

Jusić Vedad

Općinskog vijeća

PREDSJEDAVAJUĆI